


Le medio del estate

Un narration de un tradition svedese

Hodie nos festa le vigilia del die del medio de estate. Il es le solstitio estive hodie, e nos va a tempores plus tenebrose.

In tote Svedia on hodie erige arbores de maio, que in facto es un cruce ornate con flores. Es interessante saper si le bracio crucial es un invention christian. Isto io non sape. Sed le medio de estate con le palo del “medio de estate” es le sol festa salvo illo del nove anno que non ha un relation religiose, ben que on lo appella le Die de Sancte Iohannes, ma multo poc svedeses pensa de isto. Ante toto on pensa que il es le die del medio del estate. Deman essera un die libere.



Le centro de festar le medio del estate es le provincia *Dalarna* (que significa “Vallatas”). Le nomine on latinisava a “Dalecarlia”. Isto es nostre provincia traditional e certo cento milles de festantes va a Dalarna pro celebrar le medio de estate con le solstitio vernal! On dansa circum le palo de maio, un palo vernal. Il ha dansas-jocos que on canta e dansa. Le infantes participa.

Ecce le momento quando le estranieros pote esser confundite vidente le dansa national “Le parve ranas” que omnes – adultos e infantes – lude e canta con grande entusiasmo. “Le ranettas es belle spectar, non caudas non aures ha illos!” es curtemente le message del canto. Postea on salta e face le sono del ranas....

E postea on mangia.

Quando le parte del infantes es finite, comencia le parte del adultos, quando on bibe (sovente troppo) multo, e dansa.

Le plus curte nocte del anno es magic, tanto como le plus longe nocte in decembre. Il es in le medio de estate que le plus grande numero de infantes es concipite, secundo le statistica....

Que mangia on? Haringos con patatas fresc, recentemente fodite ex le terra! E con isto, le vodka, bira o altere biberages. In le campania on grilla.

Como vos comprende, isto es le die de esser in le sino del natura. De gauder se del verdura. Nos ha tanto poc sol in le hiberno que ora nos es folles solar. Le medico face signos de advertimento. Pensa del cancere del pelle!

E assi le sol va disparer alcun minutas post le hora 22 in Uppsala. In Kiruna illo nunquam es sub le horizonte. E illo se levara deman super un pais dormiente, salvo illes qui non finirea le festa le die antecedente!

Kjell Rehnström



Photos: Pixabay, 2023, www.interlingua.com